



Број/Број: 03/4-50-14-11,16/13
Сарајево/Sarajevo 8. 1. 2013.

Na osnovu člana 60. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 33/06, 41/06, 81/06, 91/06 i 91/07) i člana 54. stav (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 33/06, 41/06, 81/06 i 91/06), Zajednička komisija za evropske integracije Parlamentarne skupštine Bosne i Hercegovine, na 6. sjednici, održanoj 23. 2. 2012. godine, utvrdila je

PLAN RADA ZAJEDNIČKE KOMISIJE ZA EVROPSKE INTEGRACIJE ZA 2012. GODINU

UVOD

Djelokrug i ciljevi rada Zajedničke komisije za evropske integracije (u daljnjem tekstu: Komisija) određeni su članom 57. Poslovnika Doma naroda i članom 51. Poslovnika Predstavničkog doma Parlamentarne skupštine Bosne i Hercegovine.

Zadaci Zajedničke komisije su:

- rasprava o općim pitanjima koja se odnose na evropske integracije;
- praćenje izvršavanja prava i obaveza BiH proizašlih iz međunarodnih ugovora koji se odnose na Vijeće Evrope;
- koordinacija rada matičnih tijela u vezi s evropskim integracijama i dostavljanje mišljenja, preporuka i upozorenja;
- analiziranje posljedica integracijske strategije za BiH i pripremanje sveobuhvatnih izvještaja;
- nadgledanje i praćenje provođenja obaveza iz Sporazuma o stabilizaciji i pridruživanju, pretpriputne i pristupne strategije BiH;
- nadgledanje provođenja usklađivanja zakona BiH sa *acquis communautaire*;
- saradnja s drugim institucijama BiH (posebno s Direkcijom za evropske integracije) i drugih zemalja u vezi s pitanjima integracija i obavljanje drugih poslova u vezi s evropskim pitanjima koja ne spadaju u djelokrug ostalih radnih tijela;

- održavanje javnog saslušanja u vezi s pitanjima evropskih integracija radi prikupljanja mišljenja i stavova predstavnika civilnog društva, nevladinih organizacija, intelektualaca, kao i vladinih i nevladinih eksperata u određenim oblastima.

Imajući u vidu utvrđeni djelokrug i ciljeve rada, Plan rada Komisije za 2012. godinu značajno određuju i sljedeći dokumenti:

- Evropsko partnerstvo s Bosnom i Hercegovinom prezentirano je početkom 2004. godine. Vijeće ministara Evropske unije usvojilo je drugo partnerstvo s Bosnom i Hercegovinom 30. 1. 2006. Ažurirano je prvi put krajem 2007. i ponovo u februaru 2008. godine;

- Izvještaj o napretku Bosne i Hercegovine u 2011. godini koji pokriva period od sredine septembra 2010. do kraja septembra 2011. godine;

- Sporazum o stabilizaciji i pridruživanju koji je potpisan 16. 7. 2008., a krajem januara i ratificiran u svim zemljama članicama EU.

PLAN RADA

JANUAR - MART

- o Priprema i usvajanje Orijentacionog plana rada Komisije za 2011. godinu;
- o Razmatranje Izvještaja o radu Komisije za 2011. godinu;
- o Razmatranje Izvještaja Vijeća ministara BiH za 2011. godinu;
- o Razmatranje Izvještaja Direkcije za evropske integracije za 2011. godinu;
- o Razmatranje Izvještaja o stanju provođenja obaveza iz Privremenog sporazuma/ Sporazuma o stabilizaciji i pridruživanju za period od 1.10. do 31.12.2011., i ostalih aktivnosti na kretanju BiH prema članstvu u EU;
- o Organiziranje sastanka s članovima Komisije za evropske poslove Parlamenta Češke Republike;
- o Organiziranje sastanka s članovima Odbora za evropske integracije Hrvatskog sabora;
- o Učešće na IV. konferenciji COSAP-a, u Tirani, 9.3.2012.;
- o Održavanje tematske sjednice o ekonomskim i socijalnim perspektivama BiH;
- o U saradnji s Misijom OSCE-a, organiziranje komunikacije s građanima u Banjoj Luci;

APRIL - JUNI

- o Razmatranje Izvještaja o stanju provođenja obaveza iz Privremenog sporazuma/ Sporazuma o stabilizaciji i pridruživanju za period od 1.1. do 31.3.2012., i ostalih aktivnosti na kretanju BiH prema članstvu u EU;

- Organiziranje sastanka s predsjedavajućim Vijeća ministara BiH i definiranje modaliteta saradnje i mehanizma koordinacije u procesu evropskog integriranja;
- Razmatranje Izvještaja o realiziranju preporuka Evropske komisije o aktivnostima koje je potrebno preduzeti u institucijama pravosudnog sistema;
- Razmatranje Izvještaja s trećeg sastanka Strukturiranog dijaloga o pravosuđu koji će biti održan u proljeće 2012.;
- Organiziranje sastanka s članovima Odbora za međunarodne odnose i evropske integracije Skupštine Crne Gore;
- U saradnji s Misijom OSCE-a, organiziranje debate u Sarajevu;
- U saradnji s Misijom OSCE-a, organizovanje dva stručna seminara za članove ove komisije PSBiH i nadležnih entitetskih komisija;
- Organiziranje tematske sjednice o reformi obrazovanja u BiH;
- Razmatranje Informacije o procesu programiranja IPA projekata za 2012. godinu.

JULI - OKTOBAR

- Analiza aktivnosti vezanih za izradu Programa integriranja;
- Razmatranje Izvještaja o stanju provođenja obaveza iz Privremenog sporazuma/ Sporazuma o stabilizaciji i pridruživanju za period od 1.7. do 30.9.2012., i ostalih aktivnosti na kretanju BiH prema članstvu u EU;
- Uspostavljanje saradnje i organiziranje sastanaka s Komisijom za pitanja Evropske unije Bundestaga;
- Uzvratna posjeta Odboru za evropske integracije Republike Srbije;
- Organiziranje tematske sjednice o borbi protiv korupcije u BiH;
- U saradnji s Misijom OSCE-a, organiziranje komunikacije s građanima u Tuzli;
- Organiziranje sastanka s Peterom Sorensenom, šefom Delegacije Evropske unije u Bosni i Hercegovini.

NOVEMBAR - DECEMBAR

- Razmatranje Izvještaja o stanju provođenja obaveza iz Privremenog sporazuma/ Sporazuma o stabilizaciji i pridruživanju za period od 1.7. do 30.9.2012., i ostalih aktivnosti na kretanju BiH prema članstvu u EU;
- U saradnji s Misijom OSCE-a, organiziranje debate u Sarajevu;
- Priprema i učešće na 14. interparlamentarnom sastanku EP - PSBiH, koji će biti održan u decembru 2012. godine, u Sarajevu;
- Razmatranje Informacije o realizaciji dosadašnjih IPA projekata;
- Razmatranje organizacije i planiranje rada Komisije u 2013. godini s ciljem osiguravanja resursa i unapređenja rada;

- Priprema i izrada izvještaja o radu Komisije u 2012. godini.

ZAVRŠNE NAPOMENE

Sadržaj rada i rokovi u ovom planu postavljeni su okvirno. Realno je očekivati korekcije zbog neophodnog usklađivanja s aktivnostima drugih relevantnih tijela i institucija. Moguće je očekivati i aktivnosti koje nisu predviđene a mogu biti uvrštene u Plan rada Komisije zbog značaja i hitnosti razmatranja.

Treba imati u vidu da je kontinuirana aktivnost Komisije praćenje, analiza i nadgledanje aktivnosti svih relevantnih institucija u procesu pridruživanja EU.

S ciljem blagovremenog ispunjavanja planiranih aktivnosti, Komisija će, pored ostalog:

- osigurati kontinuitet redovnog održavanja sjednica,
- osigurati kontinuitet redovnog održavanje sastanaka Foruma za parlamentarnu saradnju Zajedničke komisije za evropske integracije PSBiH, Komisije za evropske integracije PDFBiH i Odbora za evropske integracije i regionalnu saradnju NSRS,
- redovno praćenje realizacije zahtjeva koji su domovi u decembru 2011. godine uputili Vijeću ministara BiH da izradi Akcioni plan za pripremu Bosne i Hercegovine za posljedice pristupanja Republike Hrvatske Evropskoj uniji u roku dva mjeseca, a da nakon toga svaka tri mjeseca izvještava Parlamentarnu skupštinu BiH o realizaciji obaveza iz Akcionog plana;
- osnivati potkomisije ili radne grupe kada to bude svrsishodno,
- pojedinačno angažirati članove Komisije,
- saradivati s drugim nadležnim tijelima i institucijama BiH i međunarodne zajednice,
- saradivati sa srodnim komisijama parlamenata u regionu.

Predsjedavajući

Zajedničke komisije

Halid Genjac

